

礮數共四尊。探海燈無。船員軍官水手等共四十二人。

(十五) 甘泉 種類為礮艦。江南船塢造。船質為鐵殼及鐵脊。總噸數二百五十噸。長百二十英尺。寬二十英尺。船深十英尺。吃水八英尺。馬力三百匹。速率九海里。煤艙容量三十五噸。礮數共二尊。探海燈無。船員軍官水手等共二十七人。

(十七) 湖鷹湖鵝湖鵬湖準 此四艦皆為魚雷艇。日本川崎廠造。船質皆為鐵質。總噸數九十噸。長百三十五英尺。寬十五英尺六寸。船深九英尺。吃水七英尺六寸。馬力千三百三十四。速率二十三海里。煤艙容量二十八噸。礮數共二尊。探海燈

一架。船員軍官水手等共三十四人。

(十八) 辰艇宿艇列艇張艇 此四艦皆為魚雷艇。德國伏爾鏢廠造。船質皆為鋼質。總噸數九十噸。長百四十四英尺。寬十七英尺。船深九英尺。吃水七英尺。馬力一千匹。速率十八海里。煤艙容量二十噸。礮數共六尊。探海燈無。船員軍官水手等共三十三人。

四川寧遠土司調查記錄民立報

近有李懷銓上書川都督條陳寧遠邊事。調查頗詳。節錄如左。
一駐兵要地 寧遠七屬(舊設五屬)在川藏滇腹地。東接雪馬。西越吐番。南極金江。北連大渡。其間蓋山曠地。礦產富饒。亟應分紮重兵。其要地約有三處。(一)新設昭覺一邑。居涼山之中。前年趙爾豐由寧敘兩面進剿。曾得黑竹牛等壩。此地住

紮一營。不僅開礦殖民。并可扼他人由雷馬襲寧之要道。(二)新設鹽邊一廳。與永北相隔僅一河之地。設有兵事。寧那每有鞭長莫及之勢。宜派兵一營任紮。餉項可由窪裏金課充之。(三)會理披砂等處土司。前經改土歸流。所有田地。由西會交界之三板房綿繞披砂窪鄂。以至川滇交界之可河蒙姑等處常年租息七千餘石。除撥土婦祿自氏膳租一千二百石外。餘皆充公。宜函派一營。先將估收官租肆行搶劫之祿禎祥相機勦滅。即令駐紮。不但夷人懼服。其他聞之。亦不敢越雷池一步。所需餉項。可以土司充公田地充之。

二亟宜改土 漢人近入夷地者多。土司設立種種名目。按時苛斂。春有冊費。夏有送新。秋有二八官租。冬有年禮。或因細故而被控。土署明雖照案徵收遞酒待質銀兩。暗則量家之大小以為輕重。層層剝削。骨髓俱枯。前清時會理披砂苦竹大橋通安者保五屬。土千百戶改土歸流一事。其入手辦法。則以札調該土司來轅。陽為派兵保護。陰實無形拘留。一面暗派重兵。住紮土署。以鎮暴亂。大兵紮定。勒令該土司呈繳鈐記。佔抗則示以威。服從則緩以德。不至費餉勞師。事竟有濟。後同志軍起。各處土司。均有反抗之勢。即如煖帶密之土司嶺鎮榮。地兼西鹽。性多狡詐。近來熱水禮州一帶夷人。時出劫掠。均係伊暗地縱容。瓜別土司。已為鹽源九所之首領。擁土自豪。窪裏金廠。視為私有。官府若實行採辦。則阻力橫生。宜速將此二土司先行改流。漸及會理之普隆黎溪。西昌之威隆普濟。

鹽源之九所等處。不獨礦務可興。且可免土司種種苛虐人民之苦。

土司種類按照五屬分誌如下

越嶲廳屬地三處。(一)煖帶密。土游擊名嶺鎮榮。係黑夷。領土二百七十里。轄野夷七支。白夷六支。西番一支。夷性兇頑狡詐蠢撲兼有。蓄快槍二十餘支。其地產銀鉛銅錫元金杉木。(二)煖帶田壩。土千戶嶺廷傑。係黑夷。領土二百三十里。轄生裸九支。白夷六支。夷性蠢暴狡詐。蓄快槍六支。地產元金銅。(三)松林地。土都司王繼昌。黑夷。領土七十五里。轄土百戶六員。西番二支。生裸十四支。夷性馴良。然有喜劫殺者。蓄快槍十支。地產銀銅。

會理州屬地七處。(一)黎溪。土千戶自萃華。白夷。領土九十里。轄山蠻一支。白夷四村。性蠢暴而信佛。蓄九子槍四支。地產銅。(二)披破。已歸流。土千戶祿純祖。狸羅種。領土二百四十里。轄山蠻七支。黑夷二支。性喜劫殺。蓄五子槍十五支。(前清宣統二年充公)地產杉木。(三)會理村。已歸流。土千戶祿安仁。山蠻種。領土二百里。轄山蠻六支。黑夷二支。性喜鬪殺。蓄快槍九十二支。(前為滇土司奪去)地產杉木。(四)普隆。土千戶沙銅。白夷。領土三十里。轄白夷一支。性信佛。(五)苦竹。已歸流。土百戶祿操柏。裸羅種。領土一百二十里。轄山蠻五支。白夷六村。黎蘇一支。性喜鬪殺疎賴歌舞。蓄快槍六十支。現存黎溪土舍自復祺家。地產香杉銅。(六)者保。

已歸流。土百戶祿寶瓊。裸羅種。領土一百七十里。轄黑夷十支。山蠻四支。性馴良。現祿禎祥霸踞此地。快槍二百支。產杉木。(七)通安。土百戶祿全璧。裸羅種。領土一百里。轄山蠻一支。白夷四支。黎蘇一支。性凶頑蠢毒。蓄快槍八支。家奴分受。產銅。

鹽源縣屬地九處。(一)瓜別。安撫司己同寅。麼麼種。領土九百里。轄麼麼六百戶。西番六百戶。性馴良。快槍四十支。均由自造。地產天然金杉板。(二)木裏。安撫司項松朗札什。喇嘛。領土五千里。轄呷迷約古九十餘什。麼麼西番一百村。性馴厚。產金銀銅。(三)古柏樹。土千戶郎瑞麟。麼麼種。領土七百里。轄麼麼二十村。西番十六村。性馴良。產金銅。(四)馬喇副。長官司阿武經。羅夷。領土二百四十里。轄羅夷一種。一百餘戶。性馴良。產金。(五)中所。土千戶喇淑流。麼麼。領土五百七十里。轄麼麼三十村。西番二十五村。性信佛。產金煤鹽。(六)左所。土千戶喇禎祥。麼麼。領土七百里。轄西番一千餘戶。性馴良。產金銀銅鐵。(七)右所。土千戶八仁祥。麼麼。領土一千九百里。轄麼麼西番六十村。性馴良。產金鐵杉板。(八)前所。土百戶阿國興。麼麼。領土一百五十里。轄麼麼八村。性耐勞。(九)後所。土百戶白懷馨。麼麼。領土二百三十里。轄麼麼二十餘村。性耐勞。產銅。

西昌縣屬地四處。(一)長村。已歸流。土百戶沈彭氏。水田夷。領土九十里。轄水田一百餘戶。喜爭訟。產杉板。(二)威隆州。

22146 張某。蓄快槍二十餘支。(三)普濟州。土千戶吉光漢。漢人。轄山蠻五十支。喜劫殺。前年勒令改土。添買快槍五十餘支。產杉板。(四)普格。土千戶都龍光。山蠻。轄山蠻五十支。喜燒殺。蓄槍八支。產杉板。

冕寧縣屬地二處。(一)酥州。土千戶姜某。西番。轄百戶六員。西番四支。裸糶五寨。喜劫殺。(二)回古脚。土日安光國。麼麼。領土百里。轄麼麼十二寨。無爭訟。蓄快槍十餘支。

按寧遠一地。僻居西南。自大渡河起。至金沙江止。一千五百六十里。皆高山峻嶺。而五屬土司。各據要領。漢人所藉以往來者。只有一線鳥道。迴繞曲屈。殆三千餘里。以三千里之鳥道。經數十支夷之隘口。雖有右路防軍十一營。分紮要道。稀若晨星。豈能保無他虞。若非添設重兵。改土歸流。決無寧日也。

擬辦中國模範棉工廠說略及其預算 聶其杰

我國產花銷紗。為額至鉅。每年輸入棉貨一萬數千萬兩。其中以花出以紗入者得全額五之一。庚戌年出口花百二十七萬擔。足供五十萬紗錠之用。利權坐失。而貧民失所。然則棉業之待擴充甚急也。日人既壟斷我棉業市場之半。猶以為未足。今又有在滬擴張棉工廠之大舉。三井物產會社。在英購錠四十萬枚。英報論而驚之。英商怡和。近年已一再擴充。近仍有添錠之舉。又有某英商廠。亦在計畫中。彼何為若是之汲汲也。蓋以生貨

運出。熟貨運入。舟車水脚。往返關稅。虛糜甚鉅。不若就地購花售紗。以為利豐而事簡也。外人之競進如此。而我為之地主者。則將何如乎。統計全地球有紗錠一萬三千七百萬枚。我國乃不及八十萬。滬上得廠十五家。錠四十餘萬枚。華人所有。纔得其三之一耳。某某兩廠。均有落外人手中之勢。且洋廠盡採新法。華廠類多陳舊。日趨頹朽。價格類不能與之比競。若不急起直追。則數年後華廠將絕跡於滬上。可斷言也。近者印度亦在英購機返印。大擴棉廠。以免利權握於外人。吾國豈可更落印人後。其杰去年有模範棉工廠之建議。時局倏變。計畫亦止。今事急矣。請申前說。維實業家探擇焉。目前創新廠。事易而功倍。在滬設廠。可用電氣發動。無需自備鍋爐引擎。資本可省。而建築不必過堅。金價甚廉。購機極為合算。而內地富人避地在申。類挾巨資。儲於銀行。收極低之子金。良非所願。不得已也。如有穩固之實業。投資者必多。此又集股之好機會也。茲將新廠機器增損之特點述如下。

可省者。引擎鍋爐電燈機。及以上所需之房屋地基煙囪冷水池管。堆煤及堆灰之地等。每萬錠可省三萬兩。

應增者。電氣發動機。用單機電動法。每機一馬頭。約計增一萬七八千兩。

燥溼通風機。真空吸塵機。鋼球軸心。每萬錠增價六千兩。比較之餘。所省仍多。而現時先令每鎊七兩四五。視平時之八兩五六者。又較省百之十四五。約計現在造廠。每萬錠止需資本